

INSTRUCCIÓN PARA A ADXUDICACIÓN DE CONTRATOS QUE NON ESTÁN SUXEITOS A REGULACIÓN HARMONIZADA

No presente documento contéñense as instrucións de obrigado cumprimento que debe seguir o Consello Galego de Cámaras, para a adxudicación de contratos non suxeitos a regulación harmonizada, de conformidade co disposto no artigo 175.b da lei 30/2007, de 30 de outubro, de contratos co sector público.

A adxudicación destes contratos por parte do Consello estará sometida en todo caso, os principios de: **publicidade, concurrencia, transparencia, confidencialidade, igualdade e non discriminación**, en termos semellantes aos establecidos na mencionada lei para os contratos que celebren as Administracións Públicas.

Estas instrucións publicaranse na páxina web e taboleiro de anuncios do Consello e deberán porse a disposición de todos os interesados en participar nos procedementos de adxudicación de contratos regulados por elas.

PROCEDIMENTOS E FORMAS DE ADXUDICACIÓN DOS CONTRATOS NON SUXEITOS A REGULACIÓN HARMONIZADA.

Como regra xeral, os contratos que celebre o Consello e que estean suxeitos á lei de contratos do sector público, adxudicaranse a través dos seguintes procedementos:

a) PROCEDIMENTO ABERTO:

- **Concepto:** Aqueles nos que o interesado poderá presentar unha proposición, quedando excluída toda negociación dos termos do contrato cos licitadores.
- **Contía:** Cando se trate de contratos de obras, cuxo valor estimado, sexa igual ou superior a 200.001€ ou cando se trate de contratos de subministracións ou servizos cuxo valor estimado sexa igual ou superior a 50.001€.
- **Instrucións :**
 - As condicións técnicas e administrativas de contratación deben publicarse, na páxina web e no taboleiro de anuncios do Consello.
 - O período mínimo para a recepción de ofertas será de 15 días, contados a partir o da publicación nos medios mencionados no punto anterior.
 - As condicións técnicas incluírán os criterios de valoración das ofertas.
 - No caso de que algunha das propostas que se reciban nestes procedementos, resulten incompletas en canto a documentación achegada, deberá proporcionárselle 5 días para a subsanación, que se contarán a partir da data da comunicación do erro, por parte do Consello. Tal comunicación poderá efectuarse mediante correo electrónico asinado dixitalmente.

- Os resultados da adxudicación serán publicados nun apartado, especificamente destinado ao efecto, dentro da páxina web do Consello, facendo mención ás ofertas recibidas, a cales delas cumpriron os requisitos solicitados para a contratación e especificando cal das ofertas resultou adxudicataria do contrato.
- O órgano de adxudicación será sempre o Comité Ejecutivo do Consello, quen aprobará un informe técnico de adxudicación no que se resumirá a valoración das ofertas presentadas de acordo co baremo que se estableza.
- Toda a documentación relevante, condicións técnicas, condicións administrativas, ofertas recibidas, informe técnico de adxudicación e publicación de resultados, serán arquivados para que sirvan de documentación acreditativa, por parte do Departamento de Administración do Consello.

b) **PROCEDIMIENTO NEGOCIADO:**

- **Concepto:** No procedemento negociado a adxudicación recaerá no licitador xustificadamente elixido polo órgano de contratación tras efectuar consultas con diversos candidatos e negociar as condicións do contrato cun ou varios deles.
- **Contía:**
 - Negociado sen publicidade: Cando se trate de contratos de obras cuxo valor estimado oscile entre 50.000 e 200.000 € e de subministracións e servizos cando o valor estimado oscile entre 18.000 e 50.000 €.
 - Negociado con publicidade: Sempre que o valor estimado do contrato sexa superior a 200.000 € tratándose dun contrato de obras e a 60.000 € nos demais contratos.
- **Instrucións:**

Como norma xeral no procedemento negociado será necesario solicitar polo menos tres ofertas a tres empresas solventes para a realización do obxecto do contrato, sempre que iso sexa posible, sobre a base do prego de condicións de cláusulas administrativas particulares elaborado polo Comité Executivo, como órgano de contratación, e que constará no anuncio de licitación.

No expediente de adxudicación deberá deixarse constancia das invitacións cursadas, das ofertas recibidas e das razóns ou motivos para a súa aceptación ou rexeitamento.

Ademais e calquera que sexa o seu valor estimado, poderanse tramitar polo procedemento negociado os contratos non suxeitos a unha regulación harmonizada, cando concurran as seguintes causas:

- a) Cando se seguiu previamente un procedemento aberto ou restrinxido e non se presentou ningunha oferta ou as proposicións ou ofertas económicas presentadas foran todas elas inadmitidas por resultar irregulares ou inaceptables con arranxo aos pregos. Nestes casos non poderán modificarse substancialmente as condicións do contrato para adxudicalo polo procedemento negociado.
- b) En casos excepcionais, cando sexa imposible determinar previamente o prezo global do contrato, en virtude das súas características.
- c) Cando por razóns técnicas ou artísticas ou por motivos relacionados coa protección de dereitos de exclusiva, o contrato só poida encomendarse a unha persoa ou empresario determinado.
- d) Cando unha imperiosa urxencia, resultante de acontecementos imprevisibles para o Consello e non imputables ao mesmo, demande unha pronta execución do contrato que non poida lograrse mediante a aplicación da tramitación de urxencia.
- e) Cando se trata de contratos de obras que se realicen unicamente con fins de investigación, experimentación ou perfeccionamento.
- f) Cando se trate de contratar obras complementarias que non figuren no proxecto nin no contrato xa adxudicado, pero que, debido a unha circunstancia imprevista, sexan necesarias para executar a obra tal como estaba prevista no proxecto inicial sen modificala, sempre que a obra complementaria se lle adxudique ao contratista da principal de acordo cos prezos que rexan para o contrato primitivo ou que, no seu caso, se fixen contraditoriamente,

e sempre que esas obras complementarias non poidan separarse técnica ou económicamente do contrato primitivo sen causar graves inconvenientes e o seu importe non supere o 50 por 100 do prezo do contrato primitivo.

- g) Cando se trate de contratar obras que sexan repetición doutras similares adxudicadas por un procedemento aberto ou restrinxido nos tres anos anteriores e se adxudiquen ao mesmo contratista, sempre que o proxecto base das obras sexa o mesmo que o do contrato primitivo e que esa posibilidade fose indicada ao anunciar a licitación deste.
- h) Cando se trate da adquisición de bens mobles integrantes do Patrimonio Histórico Español que se destinen a museos, arquivos ou bibliotecas.
- i) Cando se trate da adquisición de bens que se fabriquen exclusivamente para fins de investigación, experimentación, estudo ou desenvolvemento.

Nos supostos previstos nas letras a), e), i) e sempre que o valor estimado do contrato sexa superior a 200.000 euros tratándose dun contrato de obras ou a 60.000 euros dos demais contratos, aplicarase o procedemento negociado con publicidade. Nos demais casos poderase seguir o procedemento negociado sen publicidade.

c) PROCEDIMENTO RESTRINXIDO

Concepto: Con carácter excepcional o Comité Executivo do Consello pode acordar a adxudicación do contrato polo procedemento restrinxido, cando a execución da prestación requira especiais condicións de solvencia ou ben cando sexa previsible a presentación dun número moi elevado de solicitudes de participación no procedemento que puidese dificultar ou demorar extraordinariamente o exame das ofertas e a tramitación do procedemento. O acordo do Comité Executivo adoptarase antes da elaboración dos pregos de cláusulas administrativas particulares, nos que se precisará o número mínimo de empresarios aos que se invitará a participar que non poderá ser inferior a cinco, e, no seu caso o número máximo de candidatos aos que se invitará a presentar unha oferta. Así mesmo o Comité Executivo do Consello establecerá en devandito acordo os criterios obxectivos de solvencia, non discriminatorios, que se terán en conta para seleccionar aos candidatos e que se incluírán nos pregos.

- **Instrucciones:** A convocatoria e publicidade da licitación levará a efecto na páxina web e no taboleiro de anuncios da entidade.

Unha vez publicada a convocatoria invítarase a un número de empresas non inferior a cinco.

Á vista do perfil empresarial dos solicitantes, o Comité Executivo do Consello seleccionará aos que resulten invitados a presentar unha oferta.

d) **PROCEDIMIENTO DIRECTO:**

- **Concepto:** Estos contratos poderanse adxudicar a calquera empresario que teña capacidade de obrar e conte con habilitación profesional necesaria para realizar a prestación. Faise preciso contar con polo menos tres ofertas, se iso fose posible.
- **Contía:** Inferior a 50.000 € para obras ou a 18.000 € nos demais contratos.

Instrucións: O expediente só esixirá a aprobación do gasto e a incorporación ao mesmo da factura correspondente que deberá reunir os requisitos que as normas de desenvolvemento da lei de contratos do sector público establezan. Cando se trata dun contrato menor de obra deberá engadirse o orzamento de execución sen prexuízo de que deba existir o correspondente proxecto se fose requerido.

Sen prexuízo de todo o establecido anteriormente, e de acordo co establecido pola normativa xeral de subvencións e os criterios dos organismos de control dos fondos europeos, sempre que se trate de contratos subvencións, con fondos procedentes de calquera administración pública, e independentemente do seu valor estimado realizarase publicidade da contratación no perfil do contratante do Consello.

. *Disposición transitoria.*

Os expedientes de contratación iniciados antes da aprobación das instrucións de obrigado cumprimento a que se refire o presente documento non se rexerán por elas, se xa se publicou a correspondente convocatoria do procedemento de adxudicación do contrato.